

MIŠLJENJE O BUDUĆOJ NAMJENI VIJEĆNICE

*

AN OPINION ON FUTURE PURPOSE OF VIJEĆNICA

*Prof.dr. Muhamed Hamidović,
dekan Arhitektonskog fakulteta*

UDK 725.1 : 727.8] (497.6 Sarajevo)

Sažetak:

Autor je dao odgovor na upit NUBBiH u obliku sažetog osobnog mišljenja.

Ključne riječi:

Vijećnica, namjena, gradska kuća, NUBBiH.

Summary:

The author has given his answer to the query posted by NUL BiH in the form of brief personal opinion.

Keywords:

Vijećnica – City Hall, purpose, NUL BiH.

Rado se odazivam Vašem upitu glede budućnosti stare Vijećnice koja je dugi niz godina bila u funkciji Nacionalne i univerzitetske biblioteke.

Sa aspekta značaja "nacionalnog" i "univerzitetskog" ovo mišljenje određuje i osnovne elemente buduće funkcije.

1. Vijećnica treba u jednom dijelu da služi prvobitnoj namjeni, tj. da bude ekskluzivno odjeljenje "Gradske kuće" sa svim prerogativima funkcije koju takav objekat i sadržaj ima za grad Sarajevo.

Ekskluzivnost se ogleda u namjeni i korištenju prostora za:

- primanje i ugošćavanje zvanica
- promocije i dodjelu nagrada zaslužnim građanima Sarajeva
- svečane sjednice uprave grada
- spomen soba bivših gradonačelnika
- historijska soba o gradu Sarajevu (memorijalna soba)
- koncerti i ostale manifestacije
- mjesto-kancelarija gradonačelnika sa minimalnom administracijom.

2. Biblioteka treba u ostalom dijelu da služi za prezentacije raritetnih izdanja ili kopija knjiga, kompleta ili edicija od značaja za svjetsku kulturu i nacionalni identitet. Raritetnu vrijednost potencirati zbog funkcije koju ima sam eksponat, ali i okruženje (gradska uprava, enterijer, pozicija u odnosu na lokaciju, itd.).

Uz ovaj prostor predvidjeti kataloški dio cijelog bibliotečkog fonda (CD, slajdove, potrebno je aktivirati obnovljenu čitaonicu na II katu i sobu za internet konekciju, prostor za odvojeni rad naučnoistraživačkog karaktera, ostale aktivnosti itd.).

- Prijedlog je da 50% prostora koristi Nacionalna biblioteka, a 50% gradska uprava.
- Univerzitetski bibliotečki fond, kao i ostalu građu, smjestiti na adekvatniji prostor (NOVI OBJEKT) uz link-vezu sa Centrom u Vijećnici.

* *

